

um sakir útmælingarinnar, og ef svo væri, hversu miklu þessi rýrnun næmi árlega, og 29
ætti leiguliði þá að fá tilsvarendi linun í eptirgjaldi sínu eptir jörðina. 10. marz.

Samkvæmt þessu hafið þjer lagt það til,

- 1, að útmæling sú, sem fram fór 12. ágúst f. á., á lóð í Ólafsvík til Jóns borgara Árnasonar til verzlunar og húsastæðis, verði staðfest;
- 2, að Jón Árnason fái hina útmældu lóð til fullkominna afnota, óháða leiguliðanum á Ólafsvík, þó þannig, að hann megi ekki byggja bæi eða búðir á lóðinni til að leigja öðrum nje heldur megi leigja öðrum uppsátur á lóð sinni, og
- 3, að hið árlega gjald eptir lóðina verði ákveðið 30 kr. og renni í landssjóð, en að leiguliðinn á Ólafsvík, sá sem nú er, fái linun í eptirgjaldi sínu eptir jörðina, sem svarar hinni árlegu rýrnun í leiguliðanotum hans sakir lóðarmissisins, eptir óvilhallra dómkvaddra manna mati.

Útaf þessu vil jeg þjónustusamlega tjá yður, að jeg fellst hjermeð að öllu leyti á ofangreindar tillögur yðar.

Brjef landshöfðingja til biskupsins yfir Íslandi um byggingu kirkju á 30
Eyrarbakka. — Með þóknanlegu brjefi 22. desbr. f. á. hafið þjer, háæruverðugi herra, 11. marz.

jafnframt því að senda hingað paraðlútandi erindi sóknarnefndarinnar í Stokkseyrarsókn og útdrátt úr hjeradsfundargjörðum Árnassprófastsdæmis, lagt það til, samkvæmt skjölum þessum, að landshöfðinginn veitti samþykki sitt til að Stokkseyrarsöfnuður, sem þjer skýrið frá að í næstkomandi fardögum muni taka að sjer kirkjufjárhald í Stokkseyrarsókn, megi byggja nýja kirkju á Eyrarbakka, auk þeirrar sem þegar er á Stokkseyri, að báðar kirkjur þær, sem þannig verða í sókninni, megi hafa sameiginlegan sjóð, og að einn og sami kirkjugarður verði fyrst um sinn notaður frá báðum kirkjum.

Útaf þessu læt jeg ekki hjálíða þjónustusamlega að tjá yður til þóknanlegrar leiðbeiningar og frekari birtingar, að jeg samkvæmt 4. gr. laga um skipun prestakalla 27. febr. 1880 fellst hjermeð á ofangreindar tillögur yðar.

Brjef landshöfðingja til amtmannsins yfir norður- og austuramtinu um fram- 31
færslu þurfalings. — Með þóknanlegu brjefi, 22. desbr. f. á., hafið þjer, herra amt- 13. marz

maður, sent hingað erindi hreppsnefndarinnar í Bólstaðarhlíðarhreppi með fleiri skjölum, þarsem hún áfrýjar til landshöfðingja úrskurði yðar felldum 17. febr. s. á., en með úrskurði þeim staðfestuð þjer úrskurð sýslumannsins í Húnavatnssýslu, dags. 12. apríl 1884, er ákvað, að Jósep nokkur Jósepsson Stiesen væri sveitlægur í fæðingarhreppi sínum, Bólstaðarhlíðarhreppi, er því bæri að endurgjalda Vindhælishreppi styrk þann, er hreppur sá hefði veitt eða kynni að veita tjeðum Jósepi.

Það má álitast sannað undir málinu, að ofannefndur Jósep flutti inn í Vindhælishrepp í sláttarbyrjun 1866, og þó eigi reglulega fyrri en árið eptir, en flutti aptur úr hreppnum um vorið eða krossmessuleitið 1876, og að hann því eigi hafi dvalið 10 ár samfleytt í Vindhælishreppi; auk þessa er það sannað með útskrípt úr sveitarbók Bólstaðarhlíðarhrepps, að honum árið 1874 hefur verið lagt af Bólstaðarhlíðarhreppi 120 fiskar.

- 31** Samkvæmt þessu og öðrum ástæðum yðar úrskurdast því hjermeð að tjeður úr-
13. marz. skurður yðar skal standa óbreyttur.
Þetta eruð þjer beðinn að tilkynna hlutaðeigendum.

- 32** Brjef landshöfðingja til amtmannsins yfir suðuramtinu og vesturamtinu um
22. marz. upptöku ólöglega lagðra þorskaneta. — Útaf því að sýslumaðurinn í Gullbringu- og Kjósarsýslu hefur skipað svo fyrir í brjefum til hreppsstjórnanna í Vatnsleysustrandar- og Rosmhvalanesshreppum, að taka skuli upp og flytja í land án undanfarandi rannsóknar og úrskurðar þorskanet þau, er lögð kynnu að verða á svæði því, þarsem fiskiveiðasamþykkt 9. júní f. á. bannar að leggja þorskanet, hafið þjer, herra amtmaður, jafnframt því að senda hingað ítarlega skýrslu sýslumannsins, sem þjer hafið útvegað frá honum, um ástæður þær, sem þessi fyrirskipun er byggð á, getið þess, að þjer eigi fáíð sjed, að slík upptaka, sem fyrirskipuð sje af sýslumanninum, hafi neina stoð í ofangreindri samþykkt, og að ástæður sýslumannsins, að yðar ætlun, aðeins sýni, að hlutaðeigandi dómari geti haft gildar ástæður til að úrskurða, að taka skuli netin upp, en alls ekki, að samþykktin heimili neina undantekningu frá hinni almennu lagareglu, að til að taka upp og leggja hald á annars manns eign þurfi dómsúrskurð, nema að því er snertir net þau, er ræðir um í 2. gr. samþykktarinnar, og hafið þjer þessvegna beiðst úrskurðar landshöfðingjans um málefni þetta.

Hvað nú málefni þetta snertir, þá er það víst, að í samþykktinni frá 9. júní f. á. 1. gr. er aðeins lögð 50—100 kr. sekt ef nokkur leggur þorskanet fyrir utan línu þá, er þar er tiltekin, eður nær landi, en þar er nefnt, en þar á móti talar samþykktin ekki eitt orð um það, að taka skuli upp net þessi og flytja í land, hvar við vel getur hugsast, að eiganda netanna, eða þeim, er legði þau, ástundum orsakast gæti meiri skaði, en sektunum nemur. Eg get því eigi sjed, að hið opinbera eigi að taka netin upp og flytja til lands, heldur ber því að hafa vakandi auga á því, að enginn leggi svo þorskanet á hinum forboðnu stöðum, að eigi sje höfðað mál á móti honum til sektar fyrir brot á samþykktinni.

Þetta tilkynnist yður, herra amtmaður, til þóknanlegrar leiðbeiningar.

- 33**
23. marz.

Auglýsing fyrir sjófarendur.

Til leiðbeiningar fyrir sjófarendur verða frá næstkomandi hausti tendruð eptirfylgjandi ljóskei í Gullbringu- og Kjósarsýslu, að tilhlutun hlutaðeigandi hreppsnefnda:

- 1, *Ljóskei á Garðaholti* í Garðahreppi. Það er 101 fet yfir sjáfarmál með hálföllnum sjó; afstaða þess er 64° 5' 5" norðl. br., og 22° 2' 28" vestl. lengdar (frá Greenwich) Ljosið ber hærra en öll önnur ljós í Garðahverfi og á Álptanesi, og er undir það byggður stöpull 5 álna hár. Í ljóskeirinu á að loga frá 1. okt. til 31. marz ár hvert, frá því að hálfdimmt er að kvöldi og þartil hálfbjart er að morgni.
- 2, *Ljóskei á Brekkuhól* í Bessastaðahreppi. Það er 60 fet yfir sjáfarmál og lýsir 2 mílur undan landi. Í því á að loga frá 1. október til 31. marz ár hvert, meðan eigi er miðabjart fyrir náttmyrkri.